



SUMIIFFIMMI SIUNNERSUISARTUT
SULEQATIGIINNISSAMUT PILERSAARUTAAT 2024



Imarisai

1. Aallaqqaasiut.....	3
2. Suleqatigiinnissamut pilersaarut.....	3
3. Tunuliaqut suliaasaqarfiillu	3
4. Sumiiffimmi siunnersuisut sinaakkutarisaasa iluanni suleqati-giinneq	3
5. Oqartussaasut suleqatigiinnerat aammalu sumiiffimmi innut-taasunik suleqatiginninneq .	5
6. Pinaveersartitsinermit suliaqarnermut siunnersuisut ataatsimii-titaliat il.il.	6

1. Aallaqqaasiut

Kalaallit Nunaata Politiivi pinerlutsaaliuisitsissapput aammalu toqqissisimatitsillutillu torersuutitsissapput. Anguniakkap taassuma angunissaanut sumiiffigisani innuttaasut pisariaqartippavut. Taamaammat ilaatigut Naalakkersuisut, kommunit aammalu Kalaallit Nunaata Politiivisa suleqatigiinnissaat pingaaruteqarlunnarpoq. Sumiiffimmi siunnersuisut pilersinnerisigut neriutigaarput suleqatigiinneq tamanna sulii nukittunerulissasoq, *"Ataatsimut toqqissisimatitsillutalu nukittuneruvugut"*.

2. Suleqatigiinnissamut pilersaarut

Eqqartuussisarnermik inatsimmi Kalaallit Nunaannut atuutsinneqartumi § 62 c naapertorlugu sumiiffimmi siunnersuisut pilersinneqartussaapput. Tamatuma saniatigut Politiit pisortaat ukiut tamaasa politiit, kommunit, oqartussaasut allat, soqutigisaqatigiit, peqatigiiffiit il.il. akornanni suleqatigiinnissamut pilersaarusiortassaaq, tak. § 62 e.

Suleqatigiinnissamut pilersaarut Naalakkersuisut, kommunit aammalu Kalaallit Nunaata Politiivisa innuttaasunik toqqissisimatitsinissaannik isumannaatsuutitsinissaannillu nassuiaataavoq. Taamaalilluni suleqatigiinnissamik pilersaarutip siunertaraa pinerluttarnermi ajornartorsiutit maanna piusut takkuttussallu aammalu politeeqarfimmi toqqissisimanannngitsumik pissusilersornermik pinaveersaartillugillu akiorneqarnissaat.

3. Tunuliaqut suliassa qarfiillu

Suleqatigiinnissamut pilersaarummi suliassa qarfiit Naalakkersuisut, kommunit tallimaasut aammalu politiit suleqatigiinnerisigut toqqarneqarsimapput. Toqqaaneq pingaarnertut pinaveersaartitsinermi anguniagaqarpoq aammalu pinerluttarnerup siuariartornerata aammalu ileqquliunneqartartut, innuttaasut toqqissisimatitsinermik paasinnittariaasiannut kiisalu pilersaarusiornermi eqqartuinernut aammalu sumiiffimmi siunnersuisut aammalu najukkami siunnersuisut ataatsimiinnerannit eqqartukkanut pingaarnersiui nullu sammivoq.

Sumiiffimmi siunnersuisut 2024-mut ukkatarisaat

- Ikiaroorartut sakkortuut
- Pinaveersaartitsinermi siunnersuisut ataatsimiititaliillu nukittorsarnissaat
- Inuusuttut pinerluttarnerat
- Politiit saqqumilaarnerat tikikkuminartuunerallu

4. Sumiiffimmi siunnersuisut sinaakkutarisaasa iluanni suleqatigiinneq

4.1. Sumiiffimmi siunnersuisut

Sumiiffimmi siunnersuisut Politiit pisortaanit, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisumit, Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumit, Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisumit kiisalu kommunini tallimaasunit: Kommune Kujalleq, Kommuneqarfik Sermersooq, Qeqqata Kommunia, Kommune Qeqertalik, Avannaata Kommunia, ilaasortaaffigineqarpoq.

Politiit pisortaat Bjørn T. Bay sumiiffimmi siunnersuisunut siulittaasuuvog Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq, Naaja H. Nathanielsen, siulittaasumut tulliuvoq.

Sumiiffimmi siunnersuisut ukiumut marloriartumik naapittarput, peqatigiillutillu ilaatigut pinerluttarnerup siuariartornera aammalu politiit, Naalakkersuisut, kommunit aammalu innuttaasut akunnerminni suleqatigiinnerat eqqartortarpaat.




Sumiiffimmi siunnersuisut aallartisarlugit 21. februar 2024 ataatsimiinnermi peqataasut. Borgmester Avaaraq S. Olsen silamik peqquteqartumik peqataangitsoorpoq.

4.2. Najukkami siunnersuisut

Najukkami siunnersuisut annertut suliassaar tassaaq Sumiiffimmi siunnersuisut eqqartorsimasaat najukkami suleqatigiinnissamut pilersaarusiap pilersinnissaa. Aammattaaq najukkami siunnersuisut qulakkiissavaat najukkami suleqatigiinnerup inuiaqatigiinni suliaqartut akornanni ingerlanneqarnissaa. Najukkami siunnersuisut Kalaallit Nunaata Politiivi kommuninit aallartitat kiisalu inuiaqatigiinni suliaqartut attuumassutillit naapittarpaat.

4.3. Sumiiffimmi siunnersuisut aammalu najukkami siunnersuisut aaqqissuunneqarneri




5. Oqartussaasut suleqatigiinnerat aammalu sumiiffimmi innut-taasunik suleqatiginninneq

Kalaallit Nunaata Politiivisa Nunatsinni oqartussaasut allat aammalu suliniaqatigiiffiit arlalippassuit suleqatigiinnissamik isumaqatigiissuteqarfiginikuuat, taassumani inuiaqatigiit qajannaannerulernissaat annertut siunertaalluni.

Kalaallit Nunaanni Pinerlutsaaliuinnermik Siunnersuisoqatigiit aammalu Kalaallit Nunaanni Brugseni suleqatigiinnissamik isumaqatigiissutaat

Kalaallit Nunaanni Pinerlutsaaliuinnermik Siunnersuisoqatigiit (PiSiu) aammalu Kalaallit Nunaanni Brugseni (KNB) PiSiup Nersornaasiuttagaa pillugu persuaorsiorpalaartumik isumaqatigiissuteqarput. PiSiup Nersornaasiuttagaata siunertaraa Nunatsinni pinaveersaartitsilluni suliniutit nersorneqartarnissaat akissarsisitsisarnissarluk. KNB aningaasatigut 50.000 kr.-inik tapiisarpaq kiisalu nersornaat paasissutissiissutigisarlugu. Suleqatigiinneq januar 2023 – december 2027-mut ingerlavoq.



Kommuneqarfik Sermersuup, Kalaallit Nunaata Politiivisa aammalu Kalaallit Nunaanni Peqqinnissaqarfiup akunnerminni suleqatigiinnissamik isumaqatigiissutaat

Kommuneqarfik Sermersuup, Kalaallit Nunaata Politiivi aammalu Kalaallit Nunaanni Peqqinnissaqarfik akunnerminni 2021-mi suleqatigiinnissamik isumaqatigiissuteqarput Nuummi meeqqanut inuusuttunullu kinguaassiuutitigut atornerluisarnerit akiorniarlugit. Tukimut suleqatigiinneq aallarniutit upalungaarsimanermik pilersitsivoq – ullumikkut taaguuteqartoq Kinguaassiuutitigut Atornerluinnermut Akiueqatigiinneq (KAA).



Upalungaarsimanerup siunertaraa pinaveersaartitsilluni siusissukkut paasiniaasarnissaq iliuuseqartarnissarluk, suliaasaqarfiit akunnerminni ataqaatigiissarnerunissaata qulakkeernissaa, eqqortumik sullissinissap qulakkeernissaa, sulianik ingerlatsisunut najoqqutassanik ataatsimoorussanik pilersitsineq kiisalu meeqqap/inuusuttup katsorsarneqarnissaanut neqeroornissap qulakkeernissaa.

Kalaallit Nunaata Politiivisa aammalu Kalaallit Nunaanni Pinerluttunik Isumaginnittut akunnerminni suleqatigiinnerisa nukittorsarnera

Kalaallit Nunaata Politiivi aammalu Kalaallit Nunaanni Pinerluttunik Isumaginnittut suleqatigiinnissamik 2023-mi isumaqatigiissuteqarput. Isumaqaatigiissutip siunertaraa Kalaallit Nunaanni Pinerluttunik Isumaginnittut aammalu Kalaallit Nunaata Politiivisa akunnerminni pitsaasumik suleqatigiinnerisa attatiinnarlugulu annertusartuarnissaa.

Qaammatit tamangajaasa ataatsimiittoqartarpoq, tassani inissiisarfinni aqutsisut, politeeqarfinni aqutsisut aammalu Misissueqqissaarnermi immikkoortortaqaqarfigimmi aqutsisut peqataasarput, siunertaasarlunilu imminnut paasitiseqatigiinnissaat.



PSP-imik suleqatiginninneq

Kalaallit Nunaata Politiivisa inunnik isumaginnittoqarfiit aammalu inunnik isumaginninnikkut aammalu tarniluttunut katsorsaaviit suleqatigivaat inuit isumaginninnikkut katataasimasut iliuuseqarfiginissaannut atatillugu (PSP-imik suleqatiginninneq).



Suleqatigiinnerup siunertaraa innuttaasut tarnimikkut nanertuuteqartut, ernumanartumik pissusilersortut, oqartussaasuni pineqartuni aqqqissuussivigineqarnissaat qulakkeerniarlugu eqqartuinissaq.



Kalaallit Nunaata Politiivisa UNICEF'imik suleqateqarnerat

Kalaallit Nunaata Politiivi UNICEF'ilu suleqatigiinnissamik pisortatigoortumik isumaqatigiissuteqarput. Taassuma iluani Ataatsimoorluta Aalasa Kalaallit Nunaata Politiivisa tapersorsorpaat, taassuma annermik siunertaralugu meeqqat inuusuttuaqqallu timersornikkut pitsaasumik ataatsimoorussaqaarnissaannik pilersitsinissaq.



UNICEF meeqqat piginnaatitaaffii, meeqqat isiginnittariaasii suliniullu pillugit politiit ilinniarfimmi saqqummiisarpoq. Kalaallit Nunaata Politiivi peqataasarput, Politiitut ilinniarfimmit pisinnaatitaasutut, meeqqat ulluanni ukiut tamaasa UNICEF'ip aqqissuineranut ilanngutassiaqartarlutik.

Politiini pinaveersaartitsisut, kommunefogedit il.il. pisoqartitsinernut, Ataatsimoorluta Aalasamut atatillugu ingerlanneqartunut, aggersarneqartarput. Suleqatigiinneq maj 2023 - maj 2025-mut ingerlavoq.

Kalaallit Nunaanni Killeqarfimmi angallanneq nakkutilliinermullu pilersaarusiorkfik pillugu Forumi

Schengenimit peqqussutit nutaat atulersinnerisigut Schengen malillugu killigitinneqartuni nutaani pinerluttunik, nunani allamiunik aammalu nunat killeqarfiinik misissuisarnerit 2024-p aammalu 2025-p ingerlanerini pitsanngorsarnissaat suliassaavoq katitigaq, aammalu nassiussalerinnermut aammalu ilaasortaatinut nakkutilliinermik suliaqarnermut oqartussaasunit peqataaffigineqarluni. Tamanna tunngavigalugu Kalaallit Nunaata Politiivisa aalajangernikuuaat nunatsinni Killeqarfimmi angallanneq nakkutilliinermullu pilersaarusiorkfik Forumi (KANPF) pilersinniarlugu. KANPF'ip pilersinneranut siunertaavoq ataqtigiissaarinnermik aammalu timitaliinnikkut eqaatsumik suleqatigiinnissaq anguniarlugu ataatsimoorussamik kateriffeqaarnissaq.

Peqataasut ukuupput: Kalaallit Nunaata Politiivi, Akileraartarnermut Aqutsisoqarfik, Issittumik Sakkutooqarfik, Mittarfeqarfiit, SIKUKI, Air Greenland, Naviar, Royal Arctic Line. Taakku saniatigut ilaatigut peqataasoqartarpoq, soorlu Visit Greenland, angalatitsisut il.il.



6. Pinaveersartitsinermi suliaqarnermut siunnersuisut ataatsimii-titaliat il.il.

Nuna tamakkerlugu pinaveersaartitsinermi siunnersuisut ataatsimiitaliallu uani immikkoortumi nassuaatigineqarput.

Taaguut	Inatsisit	Suna siunertaava	Kikkut peqataasarpat
Kalaallit Nunaanni Pinerlutsaaliuinnermik Siunnersoqatigiit (PiSiu)	Kalaallit Nunaanni Eqqartuussisarnermik inatsimmi §§ 774 aammalu 745	Pinerlutsaaliuissitsineq, ilaatigut qaammarsaanikkut, ilisimasanik paarlaasseqatigiinnikkut aammalu najukkani pinaveersaartitsisut suleqatiginnerisigut	Sulisitsisuniit, kajumissutsimik ingerlatsivinniit, Inunnik Isumaginninnermi Pisortaqaarfimmiit, Peqqinnissamut Pisortaqaarfimmiit, Kalaallit Nunaata Politiiviniit, kommuneniit, Pinerluttunik Isumaginnittuniit kiisalu

			inuussutissarsiortut kattuffianniit aallartitat. Siunnersuisuni ilaasorta ukiut sisamakkaartumik toqqarneqartassapput.
Imigassaq Ikiaroornartullu pillugit Siunnersuisoqatigiit	Imigassaq pillugu Inatsisartut inatsisaat (nr. 47 26. septembari 2023-imeersumi) § 38	Pinaveersaartitsinermi, peqqinnerulersitsinissami, misissuinerni aammalu katsorsaanermi Naalakkersuisunut siunnersuineq	Inunnik Isumaginninnermi Pisorta qarfimmii, Peqqinnissamut Pisorta qarfimmii, Ilinniartitaanermut Pisorta qarfimmii, Meeqqanut Inuusuttunullu Pisorta qarfimmii, Kalaallit Nunaata Politiiviniit, kommuneniit, Allorfimmii, Ilisimatusarfimmii aammalu NGO'niit aallartitat.
Det Centrale Forebyggelsesudvalg (CFU)	Nuna tamakkerlugu innuttaasut peqqissuunissaannut Naalakkersuisut periusissiaanni Inuuneritta II 2013-2019 allassimavoq: Det Centrale Forebyggelsesudvalg Peqqinnissamut Pisorta qarfimmu atasoq	Nuna tamakkerlugu peqqinnerulersitsinikkut pinaveersaartitsinissap salliutinneqarnissaata qulakkeernissaa aaqqissuunissaalu.	Pisorta qarfinni pisortat, pinerluttunik isumaginnittuutitat aammalu Kalaallit Nunaata Politiivisa akunnerminni suleqatigiinnerat.
De Lokale Forebyggelsesudvalg	Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat (nr. 18 18. maj 2001-imeersoq) Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat (nr. 27 18. november 2010-meersoq) § 5	Illoqarfinni peqqinnikkut iluaqutaasinnaasunik pinaveersaartitsinernillu suliaqarnerit patajaallisarnissaat.	Peqqissaavinnii, kigutigissaasuniit, kommuneniit, meeqqat atuarianniit, inunnik isumaginnittoqarfinniit, Kalaallit Nunaata Politiiviniit aammalu pinerluttunik isumaginnittuniit aallartitat.
Tværfagligt Samarbejdsudvalg (TSU)	Oqartussaasoqarfiit assigiinngitsunik suliallit isumaginninnermi suliasat pillugit suleqatigiinnissaannut inatsisartut peqqussutaat (nr. 14 1. november 1982-imeersoq)	Inuit ataasiakkaat 18-it inorlugit ukiullit, ajornartorsiuleriartortut imaluunniit ajornartorsiulereersut, pillugit paasissutissanik avitseqatigiinneq pinaveersaartitsinissap aaqqissuunneqarnissaa siunertarlugu.	Oqartussaasut assigiinngitsut (kommunemiit kommunemut assigiinngillat, taamaattorli piffinni tamani inunnik isumaginninnikkut oqartussaasut). Peqqinnissaqarfik, inunnik isumaginnittoqarfiit aammalu Kalaallit Nunaata Politiivi.
Lokaludvalg	Kommunit aqunneqarnerat pillugu Inatsisartut inatsisaat (nr. 29 17. november 2017-imeersoq) § 32	Illoqarfinni oqartussaaqataanerup nukittoqarsarnissaa. Ataatsimiititaliat sumiiffinni siuarnortissap annertusarnissaanut suliniutinik assigiinngitsunik aallartitsissapput. Aammattaaq sumiiffimmu tunngasunik aalajangiisussaqaartillugu kommunemi kommunalbestyrelsemiit saaffiginnissutinik tigusaqartarput.	Sinerissami illoqarfinni ataasiakkaani piupput, tassani innuttaasut, peqatigiiffiit aammalu kommunemi politikerit assigisaallu peqataasarput.